



Grupo Provincial Socialista

Rúa Progreso, 32 – 2º andar

32003 Ourense

Tlf. 988 385 203 Tlf/Fax. 988 385 178

CIF: G32244345

ÁLVARO VILA ARAUJO, voceiro do Grupo Provincial Socialista da Deputación de Ourense, en base ao previsto na Lei de Bases Reguladora do Réxime Local, ó artigo 91 e 97, entre outros, da Regulación de Organización, Funcionamento e Réxime Xurídico das Entidades Locais e o Regulamento desta corporación presenta unha **MOCIÓN DE SOLIDARIEDADE COA SITUACIÓN DE DESLEIXO E SUFRIMENTO DO POBO PALESTINO E PARA A PROMOCIÓN, AXUDA E COORDINACIÓN DE INICIATIVAS PARA A RECOLLIDA DE AXUDA HUMANITARIA PARA GAZA.**

No decorrer do pleno da corporación provincial da Deputación de Ourense correspondente ao mes de xuño de 2024, terán pasado exactamente 295 días desde que a organización terrorista Hamas perpetrou o atentado que desencadeou a resposta militar do Estado hebreo que aínda hoxe non cesa, adopta dramáticas dimensións e deixa tras de si un número inaceptable de mortos e vítimas. Malia certa propaganda, o conflito non se orixina o 7 de outubro de 2023 a partires dunha indiscutida acción terrorista, senón que arranca no 1948 coa propia creación do Estado de Israel, cando milleiros de persoas se ven afectadas polo réxime de ocupación e colonización, sucedéndose innumerábeis batallas, enfrontamentos, atropelos e violacións dos máis básicos dereitos humanos, que se saldan con ducias de milleiros de vidas e damnificados, na súa meirande parte de orixe palestina.

A Franxa de Gaza é, xunto coa Císcordania, unha das zonas nas que quedou dividido o territorio da Palestina histórica despois da interminable cadea de invasións e usurpacións territoriais operadas por Israel. Gaza conformouse coma unha cárcere a ceo aberto para 2,4 millóns de palestinos, cunhas vidas condicionadas ao praxe e vontade das autoridades israelís. Se ben a situación xa era de por si dramática, a partires da acción do Hamas estamos a asistir á metódica exterminación dos palestinos xa non só como represalia, senón sobre unhas bases políticas, relixiosas e/ou étnicas, que xustifican calquera tipo de salvaxe acción ao seu encontro. Os palestinos son deshumanizados por parte de Israel que está a protagonizar un auténtico intento de limpeza étnica, de xenocidio, protagonizando unha particular *Shoah* contra o pobo palestino.

Unha catástrofe que ten pouco de anódina, por moito que se intente banalizar, normalizar, relativizar e mesmo xustificar por sectores ben identificados. Unha calamidade sen paliativos que se pretende acalar e manipular, atopándose proscritos xornalistas, cooperantes e activistas humanitarios: uns para dar conta da magnitude do que realmente ocorre e chamar a atención da opinión pública internacional e outros para acorrer na medida do posible os habitantes da Banda de Gaza. Claro exemplo desta deriva é o caso da Axencia de Nacións Unidas para a Poboación Refuxiada en Palestina (UNRWA, nas súas siglas en inglés), que Israel inhabilitou tras presentala como próxima e mesmo conivente co Hamas, se ben informes presentados por expertos independentes da ONU concluíron a inexistencia de probas sobre nexos desta con organizacións terroristas.

Alén do cruce de informacións entre Israel e Hamas, a Oficina para a Coordinación de Asuntos Humanitarios (OCHA, nas súas siglas en inglés) de Nacións Unidas publica regularmente un

socialistaourense@gmail.com

 [Facebook: PSdeGdeOurense](#)

 [Twitter: @PSdeGDepOU](#)



Grupo Provincial Socialista

Rúa Progreso, 32 – 2º andar
32003 Ourense
Tlf. 988 385 203 Tlf/Fax. 988 385 178
CIF: G32244345

balance de perdas humanas e materiais, que arroxa luz sobre o catastrófico da situación. A OCHA da conta de 36.586 mortos e 83.074 feridos palestinos, moitos graves, representando nenos e mulleres un 70% do total, incluíndose milleiros de mutilados; fronte a 1.200 vítimas mortais e 5.432 damnificados israelís, case todos tralo atentado do 7 de outubro; ao que hai que engadir 1,7 millóns de desprazados e a destrución de máis de 70.000 vivendas en Gaza. Israel controla o groso de Gaza, reagrupándose tres cuartas partes da poboación ao sur, nos arredores de Rafah, na fronteira exipcia, sendo obxecto dos ataques do *Thasal* desde mediados de maio.

A desproporción da resposta israelí equivalería a promover unha campaña de exterminio do pobo vasco a causa de todo o mal perpetrado por ETA ou como erradicar ao pobo irlandés polos atentados do IRA! Á barbarie armada hai que engadir que o drama humanitario porque, segundo a OCHA, nos vindeiros días 1,1 millón de persoas terán chegado ao estado de fame, un 28% dos nenos mortos foron vítimas de mal nutrimiento e deshidratación, e un 41% dos menores de 2 anos adoecen mal nutrición severa. Falta auga potable, manténdose operativa en parte unha das tres canalizacións que proveñen de Israel, cun 83% dos pozos inutilizados e esnaquizados os sistemas de tratamento de residuos. Até 26 hospitais foron abatidos e só unha ducia funcionan parcialmente, sen médicos, equipos nin medicinas. E mesmo a axuda humanitaria debe facer fronte ao bloqueo israelí...

Por todo o exposto o Grupo Provincial Socialista presenta as seguintes **PROPOSTAS DE ACORDO**:

PRIMEIRA.- Que os grupos políticos representados na Deputación de Ourense subscriban unha declaración de solidariedade coa situación de desleixo e sufrimento do pobo palestino, instando ao Estado de Israel a poñer fin de xeito inmediato ao asedio e bombardeos indiscriminados sobre poboacións civís, e para que se levante o bloqueo á Franxa de Gaza para o subministro de produtos básicos e a entrada de axuda humanitaria.

SEGUNDA.- Instar á Deputación de Ourense a promover, axudar e coordinar iniciativas de recollida de axuda humanitaria entre concellos e organizacións da provincia, poñendo os medios ao seu dispor para a recollida dos aportes, dispoñendo de centros de recollida e almacenamento ou facilitando o transporte para poñer as achegas en mans de instancias e axencias habilitadas para conducir as achegas ata os damnificados palestinos.

En Ourense, a 12 de xuño de 2024.

Asinado: **Álvaro Vila Araujo**

SR. PRESIDENTE DA DEPUTACIÓN PROVINCIAL DE OURENSE

socialistaourense@gmail.com

Facebook: [PSdeGdeOurense](#)

Twitter: [@PSdeGDepOU](#)